



საქართველოს გარემოს დაცვისა და სოფლის მეურნეობის სამინისტრო
საჯარო სამართლის იურიდიული პირი
გარემოს ეროვნული სააგენტო

ქ.თბილისი, დავით აღმაშენებლის გამზ. №150 ტელ.: +995 32 243 95 03; ფაქსი: +995 32 243 95 02

ბ რ ძ ა ნ ე ბ ა

N 368/ს
29/09/2022

368-21-4-202209291421



**მცხეთის მუნიციპალიტეტში, წილკნის ადმინისტრაციული ერთეულის ტერიტორიაზე
წელიწადში 450 000 მ³ მიწისქვეშა მტკნარი წყლის სამეწარმეო მიზნით მოპოვების
სკრინინგის გადაწყვეტილების შესახებ**

სსიპ მინერალური რესურსების ეროვნული სააგენტოს მიერ, გზმ-ის ჩატარების საჭიროების დადგენის მიზნით, სსიპ გარემოს ეროვნულ სააგენტოში წარმოდგენილია მცხეთის მუნიციპალიტეტში, წილკნის ადმინისტრაციული ერთეულის ტერიტორიაზე წელიწადში 450 000 მ³ მიწისქვეშა მტკნარი წყლის სამეწარმეო მიზნით მოპოვების სკრინინგის განცხადება.

სკრინინგის განცხადების მიხედვით, სალიცენზიო ობიექტი (სამი ერთეული ჭაბურღილი) მდებარეობს მცხეთის მუნიციპალიტეტში, წილკნის ადმინისტრაციული ერთეულის ტერიტორიაზე, შპს "გლობალ ბიერ ჯორჯიას" საკუთრებაში რეგისტრირებულ ტერიტორიაზე, ზღვის დონიდან 510-520 მეტრის სიმაღლეზე. წიაღისეულის მოპოვების ობიექტის ფართობია 0.07 ჰა, ხოლო GPS კოორდინატებია: X - 474585, Y - 4642869; X - 474596, Y - 4643128; X - 474468, Y - 4643096. მონაცემთა ელექტრონული გადამოწმების შედეგად დგინდება, რომ სალიცენზიო ობიექტიდან უახლოესი საცხოვრებელი სახლი დაშორებულია დაახლოებით 146 მეტრით.

წარმოდგენილი დოკუმენტაციის თანახმად, დაგეგმილი საქმიანობის ფარგლებში სალიცენზიო ობიექტიდან გათვალისწინებულია წელიწადში 450 000 მ³ მიწისქვეშა მტკნარი წყლის სამეწარმეო მიზნით მოპოვება, ხოლო ლიცენზიის გაცემის ვადად განსაზღვრულია 5 წელი. შესაბამისად, ლიცენზიის ფარგლებში მოსაპოვებელი მიწისქვეშა მტკნარი წყლის საერთო მოცულობა შეადგენს 2 250 000 მ³ -ს.

სკრინინგის განცხადების მიხედვით, ჰიდროგეოლოგიური დარაიონების თვალსაზრისით, წიაღისეულის მოპოვების ობიექტის ტერიტორია მიეკუთვნება ფოროვანი და ნაპრალოური და ნაპრალოურ-კარსტული წყლების ქართლის არტეზიულ აუზს. წყალშემცველი ჰორიზონტი ლითოლოგიურად წარმოდგენილია კაჭარ-კენჭნარით, კენჭნარით, ქვიშნარის და ქვიშნარ-თიხნარის შემავსებლით, ქვიშებით, იშვიათად თიხნარი, ხოლო შედარებით წყალგაუმტარია კაჭარ-კენჭნარი თიხის შემავსებლით და თიხებით.

წარმოდგენილი დოკუმენტაციის თანახმად, მორფოლოგიური თვალსაზრისით სალიცენზიო ობიექტი (სამი ერთეული ჭაბურღილი) მდებარეობს მდ. არაგვის მარჯვენა, ვაკე რელიეფის მქონე ტერიტორიაზე. წიაღისეულის მოპოვების ობიექტის გეოდინამიკური

სიტუაცია სტაბილურია და ექსპლუატაციის ეტაპზე გართულებები მოსალოდნელი არ არის.

სკრინინგის განცხადების მიხედვით, ქიმიური შედგენილობით, წყლები ძირითადად ჰიდროკარბონატული, ჰიდროკარბონატულ-სულფატური, კალციუმიან-ნატრიუმიანი, იშვიათად კალციუმიან-მაგნიუმიანი ტიპისაა ქლორის უმნიშვნელო შემცველობით, საერთო მინერალიზაციით 0,2–0,5 გ/ლ-მდე, ცვალებადი კარბონატული სიხისტით. მიწისქვეშა წყლების ტემპერატურა შეადგენს 9-15°C-ს და მათი სანიტარული მდგომარეობა დამაკმაყოფილებელია.

წარმოდგენილი დოკუმენტაციის შესაბამისად, სალიცენზიო ობიექტის ტერიტორია შესწავლილია დეტალური ძიების სტადიაზე. ჭაბურღილების სიღრმე შეადგენს 150 მეტრს. წიაღისეულის სარგებლობის ობიექტების ზუსტი დებიტი უცნობია, თუმცა, ჰორიზონტის წყალშემცველობის ხარისხის გათვალისწინებით, ჭაბურღილიდან წელიწადში 450 000 მ³ მიწისქვეშა მტკნარი წყლის მიღება შესაძლებელია. საექსპლუატაციო მარაგი დამტკიცებული არ არის და წარმოდგენილია P (პროგნოზული) კატეგორიით. მოპოვებული წყლის გამოყენება მოხდება სამეწარმეო დანიშნულებით.

წარმოდგენილი ინფორმაციის თანახმად, სალიცენზიო ობიექტზე (სამი ერთეული ჭაბურღილი) თავმორთულობა მოწყობილია, რაც შენარჩუნებული იქნება ექსპლუატაციის პერიოდში. იმის გათვალისწინებით, რომ მუხრანის ველის მიწისქვეშა წყალი აკმაყოფილებს სასმელი წყლის მოთხოვნებს და მომავალში მათი სასმელ-სამეურნეო და სამრეწველო ჩამოსხმის მიზნებისთვის გამოყენება შესაძლებელია და შესაბამისად, ჭაბურღილებიდან წყლის მოპოვება დასაშვებია.

სკრინინგის განცხადების მიხედვით, დაგეგმილი საქმიანობის ფარგლებში ნარჩენების წარმოქმნა მოსალოდნელი არ არის. საქმიანობის სპეციფიკის გათვალისწინებით, სალიცენზიო ობიექტიდან მიწისქვეშა მტკნარი წყლის მოპოვება, გარემოს დაბინძურებისა და ხმაურის გავრცელების კუთხით, არ იქნება დაკავშირებული მნიშვნელოვან ზემოქმედებასთან.

წარმოდგენილი დოკუმენტაციის თანახმად, ბუნებრივი რესურსებიდან გამოყენებული იქნება წყალი. წიაღით (წყლით) სარგებლობის სალიცენზიო პირობების განხორციელებით, რომელსაც ადგენს ლიცენზიის გამცემი ორგანო, დაგეგმილი საქმიანობა არ გამოიწვევს წყლის გარემოს დაბინძურებას.

სალიცენზიო ობიექტი არ მდებარეობს კულტურული მემკვიდრეობის ძეგლების, დაცული ტერიტორიების, მჭიდროდ დასახლებულ ტერიტორიებთან და ტყით მჭიდროდ დაფარული ტერიტორიების სიახლოვეს, სადაც გაბატონებულია საქართველოს „წითელი ნუსხის“ სახეობები. შესაბამისად, ზემოაღნიშნულ კომპონენტებზე ზემოქმედება მოსალოდნელი არ არის.

„გარემოსდაცვითი შეფასების კოდექსის“ მე-7 მუხლის მე-5 ნაწილის შესაბამისად, სკრინინგის განცხადება განთავსდა სააგენტოს ოფიციალურ ვებგვერდზე და გადაეგზავნა მცხეთის მუნიციპალიტეტის მერიას საინფორმაციო დაფაზე განთავსების მიზნით. ადმინისტრაციული წარმოების ეტაპზე, საზოგადოების მხრიდან, აღნიშნულ საქმიანობასთან დაკავშირებით, წერილობითი შენიშვნები და მოსაზრებები სააგენტოში არ ყოფილა წარმოდგენილი.

ზემოაღნიშნული კრიტერიუმების გათვალისწინებით, „გარემოსდაცვითი შეფასების კოდექსის“ მე-7 მუხლის მე-6 ნაწილისა და ამავე კოდექსის მე-II დანართის მე-2 პუნქტის 2.2 ქვეპუნქტის საფუძველზე,

ვ ბ რ ძ ა ნ ე ბ:

1. მიღებულ იქნეს სკრინინგის გადაწყვეტილება, რომ მცხეთის მუნიციპალიტეტში, წილკნის ადმინისტრაციული ერთეულის ტერიტორიაზე, წელიწადში 450 000 მ³ მიწისქვეშა მტკნარი წყლის სამეწარმეო მიზნით მოპოვება არ დაექვემდებაროს გარემოზე ზემოქმედების შეფასებას;
2. ლიცენზიის მფლობელი ვალდებულია „გარემოსდაცვითი შეფასების კოდექსის“ მე-7 მუხლის მე-8 ნაწილის შესაბამისად, უზრუნველყოს გარემოსდაცვითი ტექნიკური რეგლამენტებით დადგენილი მოთხოვნებისა და გარემოსდაცვითი ნორმების დაცვა;
3. ბრძანება დაუყოვნებლივ გაეგზავნოს სსიპ მინერალური რესურსების ეროვნულ სააგენტოს;
4. ბრძანება ძალაში შევიდეს სსიპ მინერალური რესურსების ეროვნული სააგენტოს მიერ ამ ბრძანების გაცნობისთანავე;
5. სკრინინგის გადაწყვეტილების გაცემიდან 5 დღის ვადაში გადაწყვეტილება განთავსდეს სააგენტოს ოფიციალურ ვებგვერდზე და მცხეთის მუნიციპალიტეტის აღმასრულებელი ან/და წარმომადგენლობითი ორგანოს საინფორმაციო დაფაზე;
6. ბრძანება შეიძლება გასაჩივრდეს თბილისის საქალაქო სასამართლოს ადმინისტრაციულ საქმეთა კოლეგიაში (თბილისი, დ. აღმაშენებლის ხეივანი, მე-12 კმ. №6) მხარის მიერ მისი ოფიციალური წესით გაცნობის დღიდან ერთი თვის ვადაში.

თეიმურაზ მთივლიშვილი



სააგენტოს უფროსი - მ.შ.

სსიპ გარემოს ეროვნული სააგენტო